

四庫全書

集部

欽定四庫全書

御製詩餘集卷十七

古今體三十四首

戊午一

戊午元旦

元之三更六之三嘉慶乾隆父子覃訓政心仍晝宵篤  
承歡膝下清溫諳知予望捷衷均苦翦逆同籌不盡談  
吉戊向陽旋寶運喜旌應即到西南

元旦試筆二首

雖云歸政仍勤政覺此二年過更多縱得兩苗盡勦洗

猶然一蜀暫延俄

現在川省教匪在保寧夔州一帶分

面兜擒亦悉竄入川境祇須各路帶兵大員設法截勦不難一鼓殲除佇望捷音即至

恩威並用

不餘力

賊匪黨與雖多大半逼脅良民疊經諭令帶兵大員等於臨陣時申諭以脅從罔治俾黨與日

離其甘心從賊者必槩予駢誅不留餘孽如此恩威並濟庶冀迅速藏功擒獲首兇尚待他

各路賊首如王廷詔李全姚之富齊王氏王三槐徐添德丹文僑羅其清高均德張漢潮陳崇德林亮公覃加

耀皆係渠魁必當按名擒捕乃待之日久尚未報獲惟望勒保等同心協力迅奏膚功或此時擒渠喜音業已

在途益增紫盼

虞陞舞干詎同彼

干羽格苗之事雖本虞書然史臣紀載之詞已未可盡信

且彼係苗民猶可姑置諸化外若白蓮教匪等以內地  
奸民敢作不靖此而不加翦除何以輯地方而安良善  
予不得已用兵之心於內民邪教可寬麼  
向所作詩內曾屢及之

屢綏兩載幸逢年中外安和民晏然養則有資教難說  
柳宗元郭橐駝傳於養樹得養人之術最足以資治理  
然富庶宜加以教而化導之方較撫字尤難是宗元所  
論猶為得半之道也子誠無過我多愆居諸盈昃洵速矣覆載照  
臨實鑒焉八十八齡望九二西銘惟默會前賢

詠白玉如意

玉已石中珍白尤色裏純執之應首祚迺以兆新春捷

報應即至屢綏幸每均

連歲賜雨應時各直省收成多屬豐稔茲獻歲開韶更祝報寰

寓豐登

和聞連歲貢豈厭薄來頻

新正降旨將江蘇安徽山東上年曾經蠲賑各州

縣及貴州興義府屬戡定地方加恩展賑賞給

口糧詩以誌事

新正閤諭孰當先要在籌民喫與穿

傳燈錄載慧海禪師云飢來喫飯困

時即眠又雲峰文悅禪師云終日啣飯不曾嚼着一粒終歲穿衣不曾掛着一絲此數語祇係禪宗解脫之旨為君者關心民瘼尤當以衣食為亟務先事預籌不可緩也

每以歲前馳信問

每歲新正

加恩事宜例於歲前馳諭各督撫令將各該省有無應行蠲賑之處預行查明具奏遂因春首應

時宣

於行慶施惠時令所先每屆新年將應行加恩省分於開正數日內頒發諭旨用錫春祺遂為常例

江南

及江蘇省徐州府屬之蕭縣等縣上年因碭山南岸及曹汎漫工黃水下注秋禾間有被淹業經賞給

口糧分別蠲緩賑撫無施第念今春正賑事畢民食恐不無拮据因加恩將碭山蕭縣睢寧豐縣沛縣銅山邳

州七州縣極次貧民一山左山東曹單等州縣衛上年體展賑一月用資接濟山左因曹汎漫水下注地畝間

被淹浸節經分別撫賑蠲緩茲念青黃不接之時民食尚恐缺乏因加恩將曹單濟寧金鄉魚臺嘉祥城武鄒

縣嶧縣及臨清濟寧二衛於正賑散畢後分別展賑三兩月至一月不等各分賑近欵安徽

州靈璧等州縣亦因上年六七月間上游漫水下注秋糧被淹其廬鳳所屬亦有一隅被旱之處業經賞給口

糧蠲緩給賑第念麥秋之期尚遠所有宿州靈璧泗州  
盱眙五河等州縣及合肥定遠二縣民衛戶口再加恩  
賞給一月口遙黔貴州興義府各屬上年因仲苗滋擾  
糧俾資民食有誤春耕節經普給口糧並分別展  
賑加賑閭閻已不至失所第念各該處自上年六月後  
遞解圍城以次戡定秋禾佈種未免愆期現當青黃不  
接之時小民口食攸資因將興義貞豐冊亨黃草壩捧  
鮮新城六處再加恩展賑至麥秋後始行停止以示恩  
施無已  
至意  
亦有蠲災鮮稔多誠厚幸獨仍望捷意卷然

新正寧壽宮即事

嘉慶三年中外覃乾隆六十並稱三斯緣誠悃從羣願  
豈是徘徊遂已貪

予紀元週甲克遂初願於乙卯頒朔  
之前預詔丙辰為予皇帝嘉慶元年

其時子皇帝率王公大臣等籲懇仍以乾隆紀年情詞  
肫摯實出至誠因許進乾隆紀年憲書百帙以備頒賜  
宮中皇子皇孫及御前親近王大臣等俾遂愛戴惻誠  
其頒行中外者俱用嘉慶紀年於予初元焚香告

天不敢上同 皇祖紀年以次增載之意仍並行不  
悖兩年以來仰荷 昊慈默佑康健如昨訓政不倦

此實史冊僅見之盛事而予祇承 洪貺弗懈益虔  
初無一毫繫戀天位之心洵可以質諸 蒼緯向於

所作詩內  
曾屢及之 洵沐

天恩尚身健仍勤政理訓兒諳却因望捷廬朝夕矻矻

心勞亦所甘

予春秋八十有八望九之年精神純固眠  
食佳安若遂耽懷逸豫置軍國重務於不

問非特無以仰副 天眷且非予付畀子皇帝之初  
心不惟不忍亦不敢近因官軍勦捕教匪雖屢經克捷



而川楚首逆如王廷詔李全姚之富齊王氏王三槐徐添德冉文偉羅其清高均德張漢潮陳崇德林亮公覃加耀等尚未就擒盼望捷音早晚即至雖宵旰焦勞所不辭也

### 樂壽堂作

向曾計日擬居旃

丙申年葺寧壽宮預為倦勤娛老之地擬歸政後移居於此以資頤養計

日以俟屢見前作

茲却養心座未遷

洎丙辰授璽子皇帝初願幸符自揣精力强健如常

不敢遽圖自逸而養心殿乃每日視事之所予以望九之年教幾訓政居處一切應仍其舊用迓吉祥

歸

政依然此訓政已便兼亦欲人便

養心殿在乾清門西遵義門之內向來召

見王公大臣六部九卿及引見官員等俱由乾清門進內趨走甚近若寧壽宮則相距較遠不若養心殿之便

是以仍照常居此非惟自  
便無欲便於大小臣工也  
忽教改觀去聲今乎昔信弗讓

時歲與年張子西銘語誠達懶重搞藻紀吟箋

### 遂初堂口號

雖曰遂初初未遂籌軍望雪正愁予咄哉此語益增失  
平日書懷可忘諸

### 和闕龍尾觥

近日專諸多述古觥看龍尾漢雕援為君好惡可弗慎  
觀過知仁戒亦存

天津鎮總兵蘇寧阿鹽政董椿各奏報得雪詩以

誌事

月之三日津瀛雪正是京都陰遂晴

蘇寧阿等奏天津地方於正月初三

日先得密雨旋沛雪澤自辰至申得雪三寸現當麥苗長發之時得此滋培倍加暢茂日來京師時作同雲欲雪不果殊增企望 三寸積來厚且渥二甃滋處密而平均吾土

也洵堪慰獨此闕哉那弗怍秋雨深霑無礙待

京師昨秋雨水

霑足地脈本為滋潤是以冬間雖未得透雪尚不至亟形望澤

前言自咎失誠貞

昨年冬臘

屢遇濃陰釀雪未成旋復開霽予嘗有秋間雨水沾潤即至年節得雪亦不為遲之語雖偏加詢問僉以為然

但此語或即予望雪之意未誠致日  
久尚未需被乎不能不引以自咎

### 新正重華宮有作

歷歲重華例有作不忘舊亦是恒心昨春幸值苗全靖

今蜀偏嫵首未擒

昨春來此已於年前接到攻克石隆苗寨陣斬首逆石柳鄧之奏湖南苗

疆悉就平定茲新正五日雖據宜綿明亮等奏於大竹梁山營山渠縣廣元等處共殲賊數千名但首逆俱未就擒尚不足為慰北苑撰辰將啓駕

新正擇吉於初六日幸圓明園明晨即當啓駕矣

東廂曲宴罷連簪

每歲開韶劍於重華宮茶宴廷臣及內廷翰林等命題聯句近日盼望擒

渠捷報心緒焦煩因罷行此舉

午前露布倘飛到聯句圓明漫補吟

現在

明亮德楞秦等將竄至廣元邊界之賊悉力兜截不令  
闖入棧道又不使與川省教匪合夥賊勢已窮首逆齊  
王氏姚之富等當可剋日擒獲其宜綿等各路勦捕之  
賊俱屢有克捷而勦保現由重慶一路前進添調新兵  
數千已陸續齊集聲威愈壯即日會同宜綿忠齡恒瑞  
慶成等四面攻圍將川境之賊悉數廓清擒渠賊績若  
早晚喜音飛至仍當於圓明園  
補行聯句以循例事而誌新禧

新正幸御園作

奉時行慶御園祥日麗風和春漸昌待雪俯看麥增綠

沿途已覺柳微黃頻聞勝戰徒騰奏

昨據明亮等奏將  
廣元竄匪截殺數

千名棧道疏通無阻宜綿等勦辦大竹梁山營山渠縣  
竄擾之賊亦殲斃多名雖同日馳到捷音而首逆未擒

倍增企望未獻首擒增盼章三月一心仍望捷昨由御園進

宮即盼擒渠捷報茲屈新正屈指已閱三月又值臨幸御園之期望捷之懷依然如昨實無片時少釋也成

吟紀節慙去聲無遑

雲貴總督鄂輝奏報勦淨犛苗餘黨全黔底定詩

以誌慰

勒保調川靖邪教

上年春間黔省犛苗滋事即命勒保由楚北赴黔督勦節經攻解興義負

豐冊亨等處圍城並擒獲首逆七總鬚韋朝元王囊仙王抱羊等大局已定嗣因川省勦辦教匪雖屢殲賊衆

尚未擒獲首犯因命勒保赴川總統督辦以期迅速藏功鄂輝留貴定黔苗勦辦犛苗之事

勒保已大加戡定尚有零星餘黨未降未勦苗寨鄂輝在湖南提督任內辦理苗疆善後事宜尚為妥協因授為雲貴總督令其赴黔接辦用能搜捕餘匪綏定全疆

許多善後資徐理諸務佳

章報一朝

上年嘉平月杪據鄂輝奏搜勦馬乃屯各處苗寨擒斬數百名並將石門坎香鑪箐松林

等處賊寨殲除淨盡其附近之掃帚嶺等寨俱各哀籲乞降茲又據奏連日督同總兵施縉藩司常明帶兵進勦雨薛岩脚趙屯等十八寨洗蕩以耶寨賊巢並將魚籠等三十餘寨全數掃除計梟取首級三千餘顆生擒男婦一千一百餘名其燒斃淹死被戮者約計一萬餘名樓下河一帶苗疆悉就蕩平

查得物娘

擒女犯

此次奏報以耶寨苗婦查得物自稱仙娘聞官兵攻克各處苗寨添築城卡煽誘附近羣苗悉

力抵禦經鄂輝等督兵進勦先於糯東賊寨拋擲火彈焚斃八九百人乘勝進抵以耶寨轟擊賊匪千餘人女

苗查得物騎馬衝出奪路奔黃阿金首執男僚前奏自

新城至

樓下河三十餘寨逆首黃阿金先在補納山半硎藏匿

經官兵兩路埋伏誘令竄出四面兜圍緊密將黃阿金

及其家屬夥黨二百六十餘名悉行擒獲正法全狝洗盡下河莫仍企凱音未

免焦此次搜勦狝苗餘黨擒捕淨盡黔省全境教寧實

切爾

肝宵盼

### 御園山高水長樓前錫宴外藩有作

閣宴今番移御苑

御園山高水長樓前地面寬敞每歲於此設鐙火賞節至新正錫賚外藩

例於紫光閣筵宴今歲初六日臨幸御園為期較早誤

數日前無暇於紫光閣錫宴遂於御園舉行此典

御

御製詩餘集

八



辰錫祉取良佳

錫宴頒賞為新詔令典用數恩賚不可闕也

歷年行賞豈宜

汰撫遠待恩應令皆翠幕張春觀聽熟

每歲上元節前後俾外藩屬國

預觀烟火且避暑山莊錫宴藩部於萬樹園設帳成禮茲移紫光閣筵宴於此列幕聯茵皆衆蒙古所熟習倍

形歡忭

紅鐙近節景光諧悉擒兇首企露布

時尚未至

延望西

南未愜懷

上元日作

高年太上逢元夕欲減吟詞難減詞況值風平月朗際

適日盼雪雲生即作風甚不愜意今日風清月朗正叶佳節

可無應節寫心為豫前

十四日

翼後

十六日

罷則已

每歲上元前一日家讌親藩及曾元輩後一日小宴廷臣例皆

有詩發和上年小宴廷臣詩後曾有識語以予授璽後訓政如常其依例成吟之什原可從簡今又屆上元佳節撫時紀序不可無詩其前一日後一日之讌竟不依向例復題矣提筆拂箋聊復斯七

字攄衷自嗤爾實仍盼捷正孜孜

予自授璽後擬將每歲依例成吟之什量為酌簡屢見之題咏惟丙辰丁巳上元前一日家讌親藩及曾元輩仍俱有詩章懸之奉三無私殿壁其後一日小宴廷臣二律向懸勤政殿東之飛雲軒至丙辰而四

壁已滿再無隙處昨歲丁巳因成五律一首懸之殿  
外其上元節日詩章向懸同樂園殿壁今又屆元夕  
風月清佳余自揣精神純固訓政如常實為高年盛  
事但望九之年吟詠原宜從省兼以近日盼捷縈懷  
吟興稍減是以將年例茶宴聯句停止其上元前一  
日後一日之讌但依例舉行不紀以詩此後節日例  
作亦似可簡吟矣

口號二首

年齡幸致八旬八夜刻每眠三十三

年來常得安眠每夜就枕率至三十

二三刻實為老年難得佳境

一切吟情例應減

自丙辰授璽後擬將每年依例吟什量為

商省屢見前詩近因望捷心殷將上元節前後錫讌例作俱已酌減蓋望九訓政之人原不必以多吟咏為事

矣  
促成聊此誌佳談

開印由來撰吉朝依然曉起肯逍遙

節前後安眠每自戌正至寅正二三

刻較前多至二三刻今已屆開印之期仍照常於寅正即起視事不敢稍圖逸豫也

兩旬節事候

以度何日曾忘望捷焦

額勒登保汪新奏報生擒首逆覃加耀楚境肅清

詩以誌慰

去年勦賊今年獲

章加耀一股賊匪自前年滋事之初與林之華合夥先由滋邨逃至黃柏

山竄聚日久經額勒登保福寧帶兵勦殺賊匪倚恃山路險阻由黃柏山輾轉逃至芭葉山朱里寨繼又思由建始宣恩逃入川境旋經官兵截回林之華先經鎔斃賊匪等仍竄至長陽地界額勒登保等帶兵節次追勦殲斃賊衆止餘首逆章加耀及其夥黨百餘人在歸州終報寨竄匿多日今始據額勒登保汪新奏終報寨係懸崖峭壁官兵用軟梯繩索攀援而上無以積雪未消山徑陡滑十五日以後天氣晴霽遂分兵三路奮力仰攻搶上山頂賊匪慌急無措我兵鼓勇直前將首逆章加耀及頭目張正朝一井生擒解京餘賊一百餘名概行斬戮其滾崖墮溝者輾轉春秋閱歲終起事省中擒并即戮屍無一名漏網

輾轉春秋閱歲終起事省中擒

一首

教匪本由湖北起事延蔓至川陝地界今楚境業已肅清首逆就擒現在川陝奔竄之賊自必聞風

震懾傳聞處亦懼羣兇久延雖不足行賞

額勒登保福寧勦辦此股賊匪

不能豫為堵截致賊匪屢次奔逃延及年餘始行辦竣本屬有過無功應行罷斥治罪因一時帶兵乏人昨經降旨將額勒登保降為伯爵革去雙眼花翎福寧革去官銜拔去花翎示懲今此一路軍務已畢自當核其功罪明白宣示額勒登保福寧遲延貽誤之咎本無可貸因將額勒登保伯爵及領侍衛內大臣都統俱行革退究念其將首犯生擒仍賞給副都統銜令其帶兵勦賊自効福寧亦革去總督賞給副都統銜令其辦理川省糧餉事務以効力原當酌紀功  
此次汪新開章加耀等寬觀後效  
至歸州之信即酌帶兵勇幫同額勒登保上緊堵截得以生擒首逆特降旨將汪新交部從優議敘其擒獲章加耀之文武員弁等亦分

欽定四庫全書

卷十七

別加恩  
示獎

明亮等仍督飭諭

現在明亮德楞額秦追勦陝境高均德等一股賊匪雖據奏

職賊一千餘名帶兵繞至賊前截勦不令竄向東北但尚未將首逆高均德及王廷詔李全齊王氏姚之富等擒獲節經降旨飭催并令額勒登保帶兵由楚北迎赴商雒協同堵勦想捷音不日亦可奏到縈盼尤切

衷略慰尚餘忉

江蘇巡撫費淳奏報雨雪情形詩以誌慰

蘇撫平明奏簡轅欣逢正月澤甘新

費淳奏江蘇各府屬昨臘上中下三

旬連得雪澤茲於新正月初四初五兩日蘇州省城復得雨雪據各屬具報相同

雨先雪繼節應

是據稱連日先雨後雪旋即晴霽蓋新正月初四日即交雨水節南方氣候較暖是以雨雪間作當二麥長發

之時得此應候醲  
膏實為春收佳兆

省上聲

被屬同渥略勻二麥滋培芽始

發諸糧市價減還均批硃豈不云慰藉望霈依然愁此  
真

昨冬各直省及畿輔左右並口外地方均得雪澤惟  
京城周圍百餘里內未獲優霑幸昨秋雨水透足土  
脈滋濡現在已過驚蟄天氣尚寒仍未解凍雖不至  
遽形乾燥然望澤之懷經時彌切茲閱江蘇奏報雨  
雪欣慰之餘倍增縈企詠此以當解嘲



詣玉泉山

龍神祠祈禱得雪有作

無雪三冬度孟春半月多詣

祠陳悚惕傍曉漸婆娑

昨年秋雨透足自入冬以後雖陰雲間作偶飄雪點未獲優霑

茲孟春又已過半盼望綦切因於二十六日親詣玉泉山祈禱辦香甫達即見祥雲飄灑其勢頗覺繽紛惜為時未久旋漸開霽虔感之下仍不能不歎於懷爾

密灑略成勢徐霏遂復過虔

祈誠鮮格自咎嘆如何

勒保等奏勦淨川省萬縣賊匪報至明亮等追勦

陝境竄匪亦有捷報詩以誌事

勦賊諸臣多顧望

勦捕教匪之事已越二年先因永保總統軍務調度失宜易以忠齡亦未

能設法堵截致賊匪乘間竄逸復命宜綿為總統雖與賊相持尚未尅期藏績而老木圍白岩山各路帶兵大

員觀成舒亮穆克登阿等均不免觀望遷延明亮德洗務泰等追勦竄匪亦日久未獲賊首節經降旨飭諭洗

苗勒保獨成功

勒保前在雲貴總督任內勦辦狎苗未及一載將苗寨盡數殄平先後擒捕首

逆七綰鬚韋朝元王壹仙等解京伏法藏功完善已加恩錫封侯爵因命馳赴川省代宜綿總統軍務以期迅

速集

命來董軍速藏績入川首戰揚威雄

勒保自入四川重慶境將

長壽滋擾之賊掃除即由墊江赴開縣梁山相機籌勦今初次奏報勦賊情形即已殲擒賊衆數千聲威倍著

允為成  
功佳兆

萬縣所屬新起逆曾柳郭俊為首叢徐逆遣南

俾倡事

勒保奏川省各路賊匪惟徐添德等一股人數較多自應先行勦滅而萬縣所屬有新起賊匪

分屯邵家場余家場石壩山等處首犯曾柳郭長俊二人乃徐添德自梁山遣來勾結起事者尤當立時撲滅

是應先淨後路蹤

萬縣新起賊匪屯集之處俱附近梁山若大兵徑赴徐添德一路進勦恐

賊匪等乘虛襲我後路是以勒保定計先將此股賊匪勦淨以免牽制

分佈將領以次第

勒保先派提督富成及總兵穆維保興等帶兵於廣福場等處分路堵截以防賊匪奔竄又派總兵百祥等由

黃茅嶺正路進發勒保同惠齡碩雲保等督兵策應

五十餘里殲戮攻攀林奪路

直進寨賊潰截殺逮至空

總兵百祥等由黃茅嶺進抵邵家場等處隨勦隨進追逐

五十餘里殲戮無算餘匪敗至石壩山該處築有木寨石牆匪黨併力拒守而曾柳等先已向迴龍場彈子壩逃竄提督富成帶兵迎頭截殺殲戮殆盡勒保馳至石壩山督兵四面圍圍分為三路進攻攀援木寨奪路直上短兵相接斬獲甚多餘衆復由龍門峽潰逃正遇富成帶兵前來與勒保大隊官兵會合將石壩山敗竄之賊匪全數擒獲共計殺賊一千三百五十餘名拏獲大小男婦一千六百餘名奪獲礮位鳥鎗刀矛器械牛羊等物

### 曾郭二逆遂殄斃

提督富成等一路官兵鎗斃賊首曾柳生擒賊目伍一凱等三

名總兵百祥等一路兵勇殺死賊首郭長俊是為入川生擒賊目梁雲松等二名當即寸磔梟示

### 第一功

勒保到川後初次進兵即將此萬縣新起之賊迅速撲滅擒獲賊首不獨士氣奮揚即各路竄

匪亦俱聞風震懾實為入川第一首功

先聲直已驚羣膽進勦川北先川

東

萬縣邵家場等處為川東開縣梁山後路勒保將此處賊匪勦辦完竣後即赴川東開縣一帶將徐添德

等各股賊匪先行勦淨再進勦川北營山蓬州羅其清一股賊匪不難以次殄除肅清川境成功當在指日

竄陝餘逆二將逐亦有捷信達郵中

同日復據明亮德楞泰奏追勦自川

折回陝境賊匪高均德等分兵兩路進發德楞泰探知賊匪欲向龐家溝前遁即統兵前擊追至大隴溝周家坪王家山等處屢次殲賊甚多賊匪不敢北竄由旁路翻山東竄五郎適遇明亮迎頭截擊賊匪竄入深林明亮星夜追勦於喬家溝等處連接五仗殲斃生擒不可勝計德楞泰復由龍王廟一帶前來會合大破賊衆計賊匪自北渡漢江後本有萬餘又於褒城等處逼脅者不下四五千人此次日夜抄擊殄戮六七千名生擒二千餘名其投出者又有千餘名賊勢業已窮蹙逆首高均德不難即日就擒矣

窮蹙之匪將近

獲兵消民樂休養同然而致此誰之過成吟惟以自責躬

夜雨 二月初六日

惕乾經四月

上年秋雨霑足自入冬以後至新正已閱四月雖屢值濃陰時飄雪點竟未獲優霑

甘澤盼望殊殷日來正在虔誠祈禱茲於初六日傍晚細雨綿密自夜達曉入土約有三寸望澤之懷為之略

釋

霽霽忽通宵膜氣蘇楊縷

翌日自宮中幸御園途次覽景為慰

生機透

麥苗

日內甫過春分正麥苗長發之候得此霽滋培益見青蔥暢發於農田實有裨益

曉光欣

潤野風靜不鳴條略釋籌農苦依然盼捷焦

欽定四庫全書

御製詩餘集  
卷十七

十五

御園泛舟

今歲春寒實異常仲之上澣始堪航

向年入春後冰凌漸解於御園泛舟

屢見題詠今歲春寒殊甚解凍較遲二月上澣始可通舟楫云

黃頭伺候嫌孤負一試

行之却慨慷

平聲 韻府七陽韻不收慷字按曹操短歌行有慨當以慷之句成公綏嘯賦云中

矯厲而慨慷皆與陽韻叶因仿用之

候遲萬卉尚收韶祇有微黃上柳條豈是故為盼春者

當春盼捷益增焦

倒影樓臺豈不佳却觀倒置弗舒懷乍因思及邪教輩

佛已乖儒爾更乖

命嗣皇帝臨雍講學禮成書事

三春匪速亦非久嗣帝臨雍巨典昭可識崇文在敦實

由來切近以推遙親民明德至善止教思

去聲

无窮容保

標

嗣皇帝受寶今屆三年昨歲預降敕旨照乾隆三年臨雍之例於今春舉行此典以大學篇首明德親民

止至善一節及易經臨卦象辭君子以教思无窮容保民无疆二句命題嗣皇帝製論呈覽屆期循照向儀於釋奠後臨雍宣講禮文賡備而予以望九之年命嗣皇帝行茲巨典於訓文之中即寓訓政之意尤為千古

美談熟讀幼齡茲耄耄訓文訓政豈殊遼



欽定四庫全書



御製詩集  
卷十七

十

雨 二月望日

初謂花朝節虛度曉來却喜雨稱時優霑恰接三寸潤  
新春頗殷望澤自二月初六日晚間細雨綿密達旦入  
土三寸地脈已極滋潤今甫逮一句繼霑渥澤密點如  
酥仍得三寸許恰符十日之期數上聲節正符十日期滲  
春仲獲此甘膏接潤洵堪志慰  
漉非徐亦非疾飄蕭宜畫更宜詩今春甘澤頻叨幸望  
捷偏仍繾遠思

澄虛榭口號

冰水曾頻動靜吟弗過即景偶開襟

榭名澄虛本以臨水取義向年來此

或尚值冰凝屢有題詠以水虛冰實其澄則同蓋實憑之澄為靜虛之澄為動然動靜互根究仍歸一諦耳  
虛今日無他望獨有勞勞企捷心

### 題含經堂

新年節後必臨斯今歲仲春至則遲

向年上元節後必至斯堂例有吟咏

今歲來此已屆仲春望後幾遲至月餘矣

望雪蕪之望聞捷

入春以來因上年臘雪未霑紫

盼蒸切蕪以勸辦教匪日望擒渠捷報無心吟覽今自二月以後連沐甘膏農祥叶吉望澤之懷為之稍慰惟

佇盼捷音仍刻難自釋耳

意忽懶得意搞詞枕經蒔史夫何有廢學

勞心所弗辭春不讓時試憑覽庭前木筆代書之

羣芳譜辛

夷一名木筆嘗詳考之玉蘭與辛夷同根辛夷花紫以玉蘭接枝則開白花蓋玉蘭花白而小且叢條不成樹欲花大成樹必須辛夷接植若辛夷不以玉蘭接之則惟開紫花是以已丑舊作有云玉蘭色白辛夷紫白朶原從紫接成乃羣芳譜及歷代詩人皆以木筆專屬辛夷未為允愜予嘗謂木筆之名應移之玉蘭為是以其白而雅且香辛夷花紫且無香也屢見向年詠玉蘭詩注

直隸總督胡季堂山西巡撫倭什布河南巡撫景

安署安徽巡撫朱珪各奏報雨雪情形詩以誌

慰

四省當春咸被澤

連日直隸山西河南安徽各督撫奏報雨雪之摺先後遞到被澤之處甚

廣未霑猶欠奏山東

近京各省俱已奏報春膏優渥惟山東尚未奏到佇望一律均霑

雖然屢沐多秋熟

山東省連歲秋收豐稔上年據該撫奏報收成十分民間蓋藏極為充裕

然當此東作方興更企甘膏早霑預卜有年

惟是綏祈五穀豐畿甸近郊俱

應節

胡季堂奏直隸保定省城及各府州屬於二月初六七日得有雨雪一二寸至四五寸不等又於十

五日省城及附近州縣得雨二三寸不等倭什布奏山西太原平陽潞安汾州大同寧武澤州蒲州等府屬及

遼州沁州平定解州絳州霍州隰州各直隸州屬於正月初十一及二十一二十四二十六二十七等日得

雪二三四寸至五六寸不等

豫疆欽界可期同

景安奏河南開封歸德懷慶河南南陽汝

寧許州陝州光州各府州通屬並彰德府屬之安陽湯陰等縣衛輝府屬之汲縣輝縣等縣陳州府屬之淮寧

欽定四庫全書

御製詩餘集

十八

西華等縣汝州并所屬之郟縣伊陽等縣於正月初三  
四五初十暨二十一二十三四五等日得有雨雪自一二  
三四五六寸至深透不等朱珪奏安徽安慶等十三府  
州所屬各州縣陸續稟報正月初一二三四及二十二  
十一二十三十四等日得雨一二三四寸及入土深透  
并得雪積地一二三四五寸不等實屬通省普遍寸  
衷一半占年慰渴捷依然一半忭

浙江巡撫玉德奏報得雨詩以誌慰

北省當春獲靈同獨猶望澤祇齊東

仲春以來京師疊  
沐甘膏畿輔各屬

及附近河南山西等省俱經奏報得  
雨惟山東省尚未據奏到仍切企望

朝來報雨欣浙撫

實為

去聲

餘杭慰寸衷首郡屬疆遍滋溉山花隴麥可占

豐

玉德奏浙江省城於正月初四五及二十三等日各得雨三四寸不等並據杭州嘉興湖州寧波紹興

台州金華衢州嚴州溫州處州十一府所屬各州縣先後稟報同日甘雨普霑自三四寸至深透不等麥豆春

花益資長發塘堰蓄水充盈於春耕大有裨益春膏今歲饒常歲雨霑足暨各

省奏報得雨情形俱較往歲為優欣慶之餘彌增虔惕切切惟增戒滿隆

### 問津處口號

四十年前問津處知還出岫寓心書

乾隆二十一年子書陶淵明歸去來

辭內雲無心以出岫鳥倦飛而知還一聯於此長春園建斯無用日引月長過

在予

假山上三間樸屋額以問津迺

皇考御書也其聯用歸去來辭語則予有意所題下小  
嶺有彙芳書院在內蓋其時即有歸政來居於此之  
意因循四十餘年其間復建長春園於圓明園之東  
茲偶過此因思予二十五歲登極至乾隆二十一年  
書此聯時已四十六歲矣而望六十年則壽當八十  
五歲在可必不可必之間今蒙

上天垂佑竟符初願傳位子皇帝予仍日勤訓政康健

如常實千古僅有之事回憶書聯時歲月堂堂舊題  
如昨爰笑而識之

### 安眠

邇來每喜飽安眠一夜四八卅二刻

年來夜間常得安眠自戊正就枕至

寅正夙興率周三十  
二刻實為老年佳事

似此高眠豈不佳心勞仍念捷消

息官軍無數殲羣賊

勦捕教匪之事已聞二載有餘尚未告歲近據明亮等奏將竄至陝

境賊匪高均德一股痛加殲戮至七八千餘名之多乃  
遲至二十餘日尚未將賊首高均德及齊王氏李全等  
擒獲其川省竄聚之賊節據勒保等奏將萬縣開縣梁  
山等處賊匪疊次勦殺不下數千名而賊首王三槐徐



添德林亮公冉文儔羅其清等亦  
尚未就擒盼望捷音刻紫懷抱

而何賊首未一得

陝西布政使陸有仁江蘇巡撫費淳先後奏報雨


雪情形詩以誌慰

昨報陝西茲江南各稱雨雪霑農畝

昨據陸有仁奏陝西西安同州鳳翔

漢中興安榆林鄜州邠州商州乾州十府州屬於正月  
二十一及二十三十四五等日得有雨雪自三四五寸至  
深透不等西安省城又於二月初九日得雨三寸其附  
近之臨潼咸陽等縣亦於是日得雨二三寸不等二麥  
發榮滋長茲復據費淳奏江蘇省自節交雨水驚蟄以  
後江寧蘇州松江常州鎮江淮安揚州徐州太倉海州  
通州各屬於正月中下兩旬疊次普霑春澤自一二寸  
至四五寸不等二月初三四及初六七等日蘇州省城

及附近各屬密雨連綿土膏更為滋潤  
豆麥菜蔬倍覺青蔥長發各等語  
連日頻書方寸慰而仍渴捷心  
忤忤慰或時忘愁那忘八十八翁心自醜  
寄語願老盼尊者亦知以吾為戒否



御製詩餘集卷十七

欽定四庫全書

集部

御製詩餘集卷十八至十九

欽定四庫全書

御製詩餘集卷十八

古今體三十一首

戊午二

賦得春雨如膏

得訛字八韻  
試翰詹題

一字兼雙韻其呼不可訛

膏字兼平聲去聲兩音一在四豪韻一在二十號韻意義

各殊其讀平聲者如易經之難膏不食史記之稀膏棘軸是也其讀去聲者如詩經之芄芄黍苗陰雨膏之及羔裘如膏皆叶去聲韻是也字與載凡脂膏之膏讀平聲用以潤物曰膏則讀去聲是春雨如膏義取潤物自應讀作去聲且與詩經韻協近日詞膏聲膏平書豈易家於此字平仄多未詳考特正其訛

欽定四庫全書

御製詩餘集

平仄意殊佗覃矣今春幸霑哉兩度和

今春自二月以來於初六日十

五日連得雨澤各有三寸許土脈滋潤較之往歲為優

飄蕭下泉溉慶忤陝亭歌

用蘇東坡喜雨亭事

渥透麥苗發濕凝柳線娑大田胥可種遠省

并堪哦

近日畿輔及河南山西安徽浙江江蘇陝西等省俱經奏報霽澤均霑並有詩紀事

既慰

亦生惕戒盈仍望多獨存不足慮捷信竟如何

上巳日陝西巡撫秦承恩奏報總兵王文雄在盩

厓縣殺賊得勝情形詩以誌慰

雖曰春深春未深貯寒韶景正宜吟

今年節令較早入春以後氣候猶寒

茲值上巳之辰連日晴霽  
暄暖怡人景物始宜吟眺  
淡紅似勝艷紅意淺綠如懷

濃綠心恰值捷書至藍屋

昨據秦承恩奏李全等一股  
賊匪由川省竄至陝境藍屋

縣界經該撫同總兵王文雄在焦家鎮地方殺賊數百  
名賊匪向西奔逸即帶兵跟蹤追剿茲復據奏於二月  
二十六日行至圪子村地方賊眾萬餘人蜂擁而至王  
文雄等分兵兩翼迎擊賊勢稍退旋復恃其人多分作  
十數股將官兵四面裹住王文雄親督兵弁等排成圓  
陣面皆向外隨賊所到迎擊殲賊甚多賊見官兵屢撲  
不動又率馬賊一千餘名銜突王文雄派令藤牌兵六  
十名奮躍而出賊馬一見藤牌驚顧奔竄賊眾落馬自  
相踐踏者甚多官兵奮勇趕上殲賊千餘賊眾登時潰  
敗退至里許又有一股賊匪從樹林突出我兵奮怒直  
前大加殲戮賊始紛紛四竄此次打仗兵勇不滿三千  
當賊數倍之眾自卯至酉鏖戰五次殲賊二千餘人生

擒一百餘人奪獲驛馬刀矛無算等語王文雄以少擊眾殲斃多賊實屬可嘉昨已將該鎮賞給提督銜茲連次克捷因即擢為固原提督以示獎勵竹遠勝文賦謂盼擒獲賊首李全等喜音踵至再加茂賞

華林

庚信三月三日華林園馬射賦僅屬詞人鋪張揚厲之詞茲披覽捷章恰值重三佳節即事成吟實

遠勝於彼矣

李全賊首如生獲即日飛章待凱音

### 穀雨日詣玉泉山

龍神祠祈雨有作

三月初五日

春仲再逢霖竟霑六寸任

仲春六日及望日一旬之內雨沐甘膏接潤已及六寸實

較往歲春澤為優此後兩旬連值晴霽未免略覺望晴雨因於穀雨日虔詣玉泉山祈禱以冀即邀靈貺晴



將兩旬逮重展一心忱敢謂

天恩厚惟憂農務深良辰值雨穀祈

佑不遑欽

倚晴樓不登之作

春祈得雪繼得雨

天佑

神庥錫惠歌

昨年秋季雨透足惟冬雪未獲優霑入春以後盼望慕切曾於孟春下旬親詣玉泉山

祈禱即時雪花飄灑嗣於二月內得雨兩次土脈極為滋潤此實仰叨鴻佑垂庥欣感交至

十日

期斯已過兩

自仲春初六暨十五日兩次春膏壘沛怡符十日之期不獨麥苗藉資培養即大田

亦可陸續播種茲晴霽已越兩旬更冀時霖霑渥繼叶農祥

三農候迫望霑多節當

雨穀心尤切麥及耕禾澤祝和舟泛木蘭趁歸暇樓名

因厭不登過

樓額倚晴原寓喜晴之意茲當久霽望霖未免賸樓名而生厭因過而弗登

### 穀雨日作用澄虛榭仲春詩韻

仲春兩度雨曾吟

二月初六日十五日兩次各得雨三寸許並紀以詩茲屆穀雨晴逾半月

若於日內續霽甘膏於農事更有裨益

穀雨暮春仍企襟延久越教急渴

捷

時尚未聞叩捷音之至

天雨穀鑒深心

微雨

三月初七日

竭誠祈澤

玉泉迴

恩靈剛霏幾點纔未格

優膏惟自訟傍人徒詡潤輕埃

山東巡撫伊江阿奏報雨澤應時詩以誌慰

仲春好雨闕山東

仲春以來京師得雨兩次畿輔各屬及河南山西陝西江蘇安徽浙江俱

欽定四庫全書

卷十八

奏報得雨惟山東尚未奏到每殷企望

迤北方覃六寸同誰識因循此覺

暎

京師前月初六及十五日兩次所得之雨接潤已及六寸至為優渥此後兩旬俱值晴霽目下穀雨已過

未免復覺望霖矣

却欣披閱彼占豐

伊江阿奏山東沿河一帶州縣於二月十四五等日

業經得雨濟南省城於二月二十一二等日得雨三寸所屬各州縣同日亦得雨二三四寸不等并據東昌泰

安武定兗州沂州登州萊州七府臨清一州先後稟報二月十五六及二十一等日各得雨一二三寸不等

通省普被甘膏不特二麥榮暢即大田亦可乘時播種等語覽奏實堪欣慰

如霑月裏或無

碍

京師自前月兩沐春膏地土本為滋潤若於此月內再得透雨於農務並無遲誤

益切胸中

渴望充自咎讀書未深造前番心滿致斯忡

詣

黑龍潭祈雨再用丙辰詩韻

三月十一日

天恩仲兩覃所以未祈

潭

今年二月初六及十五日兩次得雨共有六寸許土膏滋潤二麥皆長發青慈即大田亦俱陸續播種是

以未曾詣滿念弗請

澤

自前月得雨兩次方謂今歲春澤較往歲為優可無祈雨之事未免略覺意滿乃自二月望後晴霽已逾

兩旬現在節過穀雨距立夏不遠農田正資渥澤因率子皇帝詣潭虔禱以冀甘霖速霽

重來寶

抱慙年高八十八步怯三登三

從前詣

潭下平地降與步

行登階三成每成約數十級始至龍神殿逮八旬以  
來稍節拾級之勞乘輿陞磴至碑亭處降輿詣殿  
行禮僅升階十餘級今余年躋望九尚欲循舊例步登  
勉陟殿階一成覺筋力未逮始易以輿然至殿  
行禮仍步行登階  
叩禱以昭虔敬 虔籲

施如霈渥滋熟尚堪

今年仲春得雨本渥現雖晴逾兩旬地土尚未至乾燥若能即施雨

靈貺早霈醴膏仍可冀望有年

責躬心越愧企

惠歲頻諳

予自授政以後於雨暘歲事仍刻繫宵旰計丙辰至今連歲俱諳 潭祈雨不敢稍自暇

逸一念懇誠庶幾仰邀 神鑒

九叩抒誠懇庶幾即

霑甘

詣

廣潤祠祈雨疊乙卯詩韻

三月十三日

渥澤仲春兩次叨

今春二月初六及十五日兩次得雨共六寸許極為優渥此後晴霽將及

一月立夏已近正農田望澤之時前已躬詣黑龍潭祈雨茲復詣祠虔禱以冀即邀

玉泉山霽澤

芄生二麥尺論高不期逮月多晴煦合此應時祈

霽膏五穀本來賴

天佑一心惟是念民勞雖曾霖霖未霑足

穀雨日初詣玉泉山祈

雨是日午間微飄雨點旋復晴霽未為霑足茲又隔數日尚未霑優膏彌增企望

虔叩優霖惕

欽定四庫全書

卷

御製詩餘集

染毫

鑑遠堂得句

在廣潤祠旁

乙卯曾斯披捷音

乙卯四月間詣廣潤祠祈雨後莅茲堂傳餐視事適接福康安和琳奏

報官兵征勦逆苗攻克蘭草坪後直抵榔木陀用奇兵搗其巢穴分兵五路乘夜齊進分撲賊卡冒雨爭先斃賊無算遂將黃爪寨攻克搶佔山梁焚燒賊寨五十六處賊勢大蹙曾有誌事之作書懸此堂壁間今早詣祠祈雨後仍至斯堂視事面諭軍機大臣等前歲曾在此披閱捷章或今日亦有喜音馳到庶慰企懷辰刻回至御園而德楞泰奏報殲滅楚匪首逆齊王氏姚之富六百里加緊之摺米至

溪窓虛俯遠開

襟不無望幸今如昔果接飛章報勝吟



是日憩坐之際適接德楞泰奏言齊王氏姚之富大  
股賊匪由陝省山陽石河鋪一帶東竄先經派令賽  
冲阿溫春等分帶官兵在高埧店漫川關堵截明亮  
德楞泰督兵由黃隴鋪寬坪等處兜勦賊匪分三路  
竄逸德楞泰明亮等亦分三路並進賊衆排列左右  
兩山分投抗拒我兵搶上山梁奮勇擊殺殲斃千餘  
賊匪力不能支紛紛逃竄德楞泰明亮等乘勝追擊  
賊匪復分兩股欲竄往東北俱被官兵截殺折回向

西南甘溝一路逃遁該處路通楚北鄖西地界官兵  
晝夜追擊一百七十餘里殺賊二千有餘賊勢披靡  
惟首逆尚在逃竄德楞泰明亮等帶領滿漢屯土官  
兵由鄖西縣之上津堡一帶兜勦隨勦隨進逼至三  
岔河地方擒獲賊犯詢知齊王氏姚之富俱在左首  
山梁德楞泰明亮賽沖阿阿哈保溫春達音泰阿穆  
勒塔德寧等督率奮勇官兵將山梁四面圍住逆匪  
等猶滾石放鎗抵死抗拒官兵一湧直上齊王氏姚

之富二犯逃至險峻處所棄馬奔越吉林黑龍江官兵亦皆下馬同步兵上緊擒拏齊王氏率婦女十餘人投墮陡崖姚之富亦向懸崖跳落官兵飛馳擒捕姚之富已經跌斃齊王氏尚存餘喘均即齣割斬梟傳首示衆並擒斬大小頭目二十四名殲斃夥黨三千餘名又於山梁溝內搜捕勦殺四千餘名生擒者一千餘名此三月初六日事也楚匪滋事以來蔓延日久皆由齊王氏姚之富二犯首先集衆焚劫到處

逼脅良民抗拒官軍實為禍首罪魁今同日殲除雖未得生擒解京而首逆俱經伏法餘匪實已喪膽亡魂此時陝境之賊惟高均德與李全張添文兩股奔竄稽誅經德楞泰等帶領勝兵及額勒登保秦承恩王文雄等分路兜捕不日即可擒渠蕝事其在川境者如徐添德王三槐冉文儔羅其清諸首逆自皆聞風震懼尅日亦可成擒勦捕教匪大功已不啻過半矣披閱捷章因成是什并詳識如右

微雨 三月十九日

祠詣五朝忽又過

自十三日躬詣廣潤祠祈雨至今已隔五日早間陰雲濃布辰刻密霏

雨點方冀可邀渥霏乃未久旋復晴霽入土僅一寸有餘益深企望曉霏一寸那稱甘農

功有待益斯企格意未昭祇自慙禁土之言期節盡

俗

占驗以土王用事之辰稀逢雨澤蓋土能剋水理或有之今春二月間得雨二次三月初二日土王用事以後屢遇陰雲作雨輒被風散去茲穀雨節盡將過禁土之期適今早獲有微雨是占驗之言不無可信明日節交立夏庶冀甘霖大霈渥被恩膏縈盼尤切計辰以近望

恩覃明朝立夏庶幾雨語切無倫愧有談

喜雨

三月二十日

土王

去聲

剛過入祝融靈哉時霽霈

天工

禁土之說

雖係世俗占驗常談乃自三月初二日

微雨寸許今日立夏甫過土王之期遂自卯至申醲膏渥被近遠均霑洵堪志慰

油然雲作沛

然雨踰尺雖殊逮尺同弗疾非徐垂霓霎無聲有色潤

鴻濛

佑民資穡靡不利虔感夔夔益敕躬

題和闐玉筆筒

裴鍾

晉王獻之有斑竹筆筒號裴鍾世無其匹見致虛閣雜俎

茲琢玉為都四十年

前此物無

自乾隆二十五年平定回部後和闐為我屬國歲時貢玉與內地任土作貢無異四十年

來精瑯充物鐫琢滿多前此未之有也

黷武或當差免議崇文實可伴清

娛彼疆豈乏章書用斯代幸傳今古謨歲貢視常非異

事十千堪笑詡珊瑚

宋錢惟演有珊瑚筆格平生愛惜子弟竊之惟演榜以十千購之子

弟佯為求得以獻即欣然以十千與之一歲率六七如此語見歐陽修歸田錄然彼特以罕見珍茲和闐貢玉源源而至殊方珍產視以為常較彼之斤斤實貴真不值一噓也

國家威德覃敷無遠弗届外藩屬國歲時進至表章

率用其國文字譯書以獻各國之書體不必同而同  
我聲教斯誠一統無外之規也我朝國書增損蒙古  
書而成書寫自左方直下成行而右漢書則自右而  
左朝鮮安南琉球諸國皆用漢書西番天竺緬甸暹  
羅南掌西洋俄羅斯廓爾喀苗疆皆各有書橫行自  
左而右惟回部及蘇祿國書橫行自右而左夫疆域  
既殊風土亦異各國常用之書相沿已久各從其便  
正如五方言語嗜欲之不同所謂修其教不易其俗



齊其政不易其宜也偶題和闐玉筆筒因及回疆文字復思今日溥天率土各國之書繁夥而統於一尊視古所稱書同文者不啻過之爰即文房題詠觸類引申益凜持盈保泰之念非曰貴遠物詡珍異也并識

湖南巡撫姜晟廣東巡撫陳大文雲南巡撫江蘭各奏報雨澤情形詩以誌慰

北省春膏

平聲

大率遍

今歲春膏優渥京師及畿輔各屬於二三月疊次得雨其近北之山

東山西河南等省俱陸續奏報  
江南兩浙膏聲去多週省

如江蘇安徽浙江等省  
湖陰渥接湖陽澤姜晟奏湖南

亦俱奏報得雨周遍  
來雨雪頻施遠近各屬以及三廩苗疆一律霑足  
粵左

霑知粵右優

陳大丈奏廣東省二三月內據各屬稟報先

均各深透兼有蓄水早稻新秧出土暢  
發青蔥粵西境壤毗連情形亦復相同  
茲悉滇疆雨暘

若

江蘭奏雲南省二月初一初三等日省城及開化邱

花藉資茂實而秧田亦可及時播種其迤南迤西各屬

俱經稟報得雨等語披覽各省奏牘膏雨應時為之增

慰  
惟廬川界革兵收

川省勦辦教匪兩載有餘雖屢經

勒保奏於黑馬山殺賊得勝擬將各股之賊逼向一路設  
法攻圍藏功自當不遠且楚北起事之首逆齊王氏姚之  
富二犯近經德楞泰明亮等於陝境合力殲除遠近賊黨  
聞之自必紛紛瓦解其各路奔竄首犯如李全高均德阮  
正通張漢潮劉成棟及川省首逆徐添德王三槐冉文偉  
羅其清陳崇德等諒可次第就擒盼望捷音刻繫宵旰  
二兇已獲餘兇感晝夜渴觀露布投

### 詠漢玉羊

卷卧疑猶聲畔聞土中曾住却非羴

漢玉色之帶紅碧者因在土中多年久土與

血相漬凝結而成知其為千餘年物也家語季桓子穿井獲如土缶其中有羊焉使問之仲尼對曰土之怪曰羴羊

此玉琢作羊形故戲以為喻

如詢閱世經久近考牧應同卜式羣

山東巡撫伊江阿奏報續得雨澤詩以誌慰

山東報澤前曾閱茲續陳來遍且優奚啻麥麴可飽夏更

占禾黍並登秋

前據伊江阿奏東省於二月十五六及二十一二等日雨澤優霑茲復據奏濟南省

城三月十八十九兩日得雨四寸所屬州縣並東昌泰安兗州曹州濟寧各府州屬俱於三月十七八九二十等日得雨二三四五寸不等二麥大田壺獲甘膏洵可預占豐稔

食資衣足民應樂富既教

加我所求正值披章方寸慰符欣十日霈甘酬

三月十九二十等日

得雨之處甚廣京師及畿輔各屬同時獲霑澤至為優渥茲東省報雨之摺復於三十日遞到而昨夜京師又得雨寸許距前此大霈之後甫及一旬足資接潤恰符十日之占披覽奏章倍深欣慰

喜雨 四月初二日

十雨之期恰翼三

自三月二十日立夏得有澍雨近遠均霑極為深透距今甫過一旬連日陰雲

間作每有陣雨飄灑未成分寸茲於初二日濃陰密布霏微竟日時止時作疎密相間入土酣足以十日之期計之

恰及旬有三日似此甘膏接潤實較近年為優民深慶慰容容雲布復東南雖云近景

農非誤惟是先憂澤望覃

今春二三月間頻獲雨澤二麥青蔥已將吐穗大田亦早播種

齊全發榮滋長日來農田並未覺望雨而予廩念雨暘每先時殷盼茲孟夏之初復疊霑優澤藉可稍抒企望晨

以達宵時間

去聲

斷踈而復密恣沈酣二兕獲已踰多日企

捷踵來愁不堪

前月十三日自廣潤祠祈雨回至御園恰值德楞泰等奏殲除楚賊首逆齊王氏

姚之富二犯報至此後雖屢據奏報殺賊多名軍威益振賊勢已極窮蹙而奔竄陝境之首犯李全高均德阮正通等尚未就擒日增懸望計前次捷報至今已將屆兩旬想賊匪敗竄之餘自可尅期擒獲茲望雨之懷稍慰惟切企捷音踵至先將陝境肅清再移師赴川協勦將各路賊首以次殄平宵旰紫懷倍難自釋爾

### 夜雨朝晴

邇來夜雨每朝晴

今年春雨應時三月二十日立夏復得透雨此後頻獲甘膏四月初二日

陰雨綿密約有四寸嗣於初四日寅刻雨至卯刻止十二日酉刻雨至次日子刻止十三日戌刻雨至亥刻止連次夜雨朝晴實為占豐佳兆現在麥田結穗者頗多粒漸皆飽滿大田亦長發茂盛望歲之懷為之稍慰

穗增腴黍怒生祇以平邪勦將盡

前據德楞泰等奏殲除陝境竄匪首逆齊

王氏姚之富二犯尚有高均德李全阮正通等未就擒  
獲節據宜綿秦承恩等奏報高均德一股經德楞泰明  
亮統兵由泰嶺一帶截剿殲戮甚多餘匪竄至鎮安地  
界不日即可擒拏首犯其阮正通李全一股現經宜綿  
督同興學柯藩等大加剿殺賊匪窮竄至漢陰石泉一  
帶現在協力攻圍等語是陝境奔竄之賊已將勦淨此  
一路肅清後即可移師川楚幫同勒保景安  
等上緊勦辦赴期蒞事盼望捷音尤為殷切  
望怍怍

### 題韓幹畫馬

不凋氣體尚猶存  
鞍轡弗施自在原  
祇以譽師排弟子  
少陵未免過苛論

按杜甫丹青引贈曹將軍霸云弟子韓幹早入室亦  
能畫馬窮殊相幹惟畫肉不畫骨忍使驂騮氣凋喪  
繹杜甫詩意顯抑韓而譽曹考歷代名畫記稱幹善  
寫貌人物尤工鞍馬初師曹霸後乃獨擅名唐元宗  
好馬御廄至四十萬匹時有沛艾大馬西域大宛之  
種命幹悉圖其駿遂為古今獨步後世羶薌韓畫者  
至以為通靈感神趙孟頫云唐人善畫馬者甚衆而  
韓曹為之最是幹聲譽不在曹霸之下或青過於藍



亦未可知少陵丹青引本以贈曹譽其師自不得不  
排其弟子則畫肉不畫骨之說或未免過苛且代遠  
年湮曹畫絕少流傳而杜詩則意存軒輊若據此以  
定其師弟畫品高下恐未為確評也偶題韓幹畫馬  
因及杜甫詩附論於後

戲題眼鏡

古希過十還增八眼鏡人人獻百方借物為明非善策  
蠅頭弗見究何妨

眼鏡古無此物自元明始來自西洋今則其用寢廣有玻璃水晶二種玻璃出於冶鍊不若水晶無火氣為良余向以其資人巧而失天真從不用之詳見辛丑辛亥舊作計辛丑作詩時予年逾古希辛亥則已過八旬今且將望九矣雖目力較遜於前然披閱章奏及一切文字未嘗稍懈有以眼鏡獻者究嫌其借物為明仍屏而弗用因戲成此詩示意並以識歲月

賦得麥浪

得和字五言八韻  
考試差題

仲季頻霑渥麥麴胥沐和青黃接寶食

古樂府有小麥青青及麥黃甚

熟之句俗謂春夏之交為青黃不接今歲二三月間春雨頻霑麥田滋渥入夏以後復屢沐甘膏二麥已結穗升漿收成在邇小民口食足資接濟欣慶實深高下簇祥柯餅餌近堪卜歐蘇

昔有歌

歐陽修詩野闊風搖麥浪寒蘇軾詩麥浪水前空詩家用麥浪二字本此

因風誠似

浪寓象得稱波披練遲裁翦拖紈供詠哦農民饜餽

音思

去饅

音愠

說文秦人謂相謁而食麥曰饅餽揚子方言闕西呼食欲飽為饅餽

御饌軫饑

疴方丈寧誇此寰區普念他設思舟可泛切已懼猶多

苟子民猶水也君猶舟也水能載舟亦能覆舟因麥浪而思及此亦取譬不遠之義

直隸總督胡季堂奏報二麥約收九分有餘詩以

誌慰

報少收多率弗問

今年直隸所屬地方春夏雨澤頻霑二麥長發暢茂結穗盈疇將次刈穫

據胡季堂奏易州所屬約收十分永平保定河間天津  
正定順德廣平大名定州所屬約收九分有餘順天府  
遵化州冀州趙州深州所屬約收九分宣化承德府所  
屬約收七分有餘合計通省各府州屬約收九分有餘  
雖未逮十分已為上稔地方官所報收成數每有因  
年歲豐稔將所收實數稍為減報者予向置弗問即如  
此次直隸所報麥收九分有餘或尚不止此更屬佳事  
予惟以慎重民瘼為懷正不必以收多報少致詢爾

報多收少切詢之

各省或間遇歉收每先事諮詢地方官不得將收成分數以少報多稍存

粉飾  
之見

訓豐諱歟恒為戒六十三年一念茲

予自御極以來於各省雨暘歲收刻縈懷抱六十餘  
年如一日每值收成豐稔惟益增虔惕或間遇一開  
歉收必再四馳詢各該督撫不得稍有諱匿其稔收  
地方或所收之數浮於所報之數率置之不問誠以  
豐不可詡而歉不宜諱惟願各省大吏體此意以予  
惠黎元庶不負牧民之責即如此次直隸所報麥收  
分數蓋因宣化承德二府屬向來不種秋麥所報分

數較少通省牽算裏多益寡尚得九分有餘此實上  
稔之占允堪欣慰即所收已逮十分亦寧存戒滿之  
念不敢稍涉誇詡也爰識此以明予志

河南巡撫倭什布奏報二麥約收九分有餘陝西  
巡撫秦承恩布政使陸有仁山東巡撫伊江阿  
各奏報二麥約收九分詩以誌慰

京畿已報九分餘

前據胡季堂奏直隸各府州屬二麥約收九分有餘洵為上稔曾有詩誌

慰

豫省麥收亦似諸

倭什布奏河南省自三月以來甘霖疊沛二麥顆粒一律飽滿將次

川樓其約收十分者洛陽光州等六州縣九分有餘者  
鄆陵睢州等八州縣九分者杞縣鄭州等二十二州縣  
八分有餘者祥符儀封裕州等五十七廳州縣八分者  
寧陵鄆州等十二州縣合計通省麥收約九分有餘農  
民歉抹等語與京畿所報分數相同西陝東齊兩省奏高薶低麥一分輸  
泰承恩及陸有仁奏陝西西安等九府州屬二麥約收  
分數內富平等十二州縣約收十分咸陽等十三廳州  
縣約收九分有餘咸寧等二十一廳州縣約收九分藍  
田等十二州縣約收八分有餘鄆縣等八廳州縣約收  
八分合計通省麥收約有九分又據伊江阿奏山東省  
二麥約收分數內濟南泰安等府屬約收九分曹州青  
州等府並臨清州屬約收九分有餘武定兗州二府屬  
約收八分有餘濟寧州屬約收七分有餘合計通省麥  
收約有九分各等語雖所奏分數較京畿豫省稍遜亦可稱上稔

安民莫重籌民食切

念那能刻念疎率幸夏收資接濟過旬未雨又愁予

京師

本年春雨霑足立夏以後復頻獲甘膏二麥結穗飽綻收穫在即大田長發暢茂已高至數尺許惟自四月十七日得雨後迄今旬餘未雨氣候炎熱雖遍詢於農田無礙而予慮念雨暘又不免盼澤矣

口號

經書刻本視如常背讀兼猶省目光假借為明以充實  
棄而不用亦何妨

前戲題眼鏡詩以其借物為明屏而弗用曾有識語  
示意茲更引而申之余以望九之年披閱內外章奏



未嘗稍懈即經書刻本亦仍照常展視且多係誦習  
之文背讀兼可節省目力若蠅頭細字不見固自無  
妨又何必借資他物為明耶因口占此作以廣前意  
并識

江蘇巡撫費淳江西巡撫張誠基各奏報二麥約

收八分有餘詩以誌慰

江蘇報以及江右收麥八分各有餘

費淳奏江蘇省上年冬雪頻霑今歲

春膏屢沛二麥極為暢茂現當刈穫之期據各府廳州  
稟報約收分數內九分有餘者係蘇州松江鎮江太倉

通州五府州屬九分者係常州揚州二府屬及海門一廳八分有餘者係江寧府屬七分有餘者係淮安府屬六分有餘者係海州所屬五分有餘者係徐州府屬合計通省二麥約收八分有餘張誠基奏江西南省晴雨應時茲屆二麥登場據各府廳州陸續稟報約收九分者瑞州建昌廣信九江南安贛州六府屬八分有餘者南昌袁州臨江吉安撫州饒州南康寧都八府屬合計通省二麥約收八分有餘各等語雖覺稔收遜北省今年各省來收豐稔前據直隸河南奏報二麥約收九分有餘陝西山東奏報約收九分均屬上稔茲江蘇江西所奏來收分數雖較北省為遜亦均可稱中稔

究資民食亦欣予

端午日作

近年均未舉龍舟

重五日例於御園陳龍舟以應節事近二十年来惟己亥癸卯甲寅因望

雨罷而不舉前歲丙辰昨歲丁巳亦  
因盼望雨澤罷觀競渡並詳見舊詩  
率為祈甘心每憂  
今歲更因臨

大祀三齋尤復慎虔修

今歲五月初八日夏至祀地於方澤午節即係第一日齋

戒之期予自授政後一切祀典皆應子皇帝舉行敬念  
予御極六十餘年叨沐后土洪恩至為優厚欣感  
既深敬凜彌切茲雖弗躬親大祀而政傳  
節日仍於御園致齋停止競渡以昭虔恪

祭典應見莅

恩籲時霖切已求

京師今年春雨應時入夏以來亦頻  
霑甘霽惟自四月十七日得雨後迄

今已及半月未經續霽時霖氣候較為炎熱雖目下二  
麥已屆收穫大田亦俱長發茂盛不至亟於望澤而予

欽定四庫全書

御製詩餘集

二十

先事之憂弗能稍釋兼以川陝各路掄渠捷音尚未馳  
到縈盼尤殷茲值重五令節心緒焦勞仍與昨年無異  
惟增愧  
惕耳  
況望捷仍如昨歲不勝怵惕不勝羞

題劉松年蓬壺仙侶

閣擬蓬壺處人應侏羨行或來欲談者蓄問趣方長丹  
鼎無須設仙詮有各藏笑他塵世裏漢武及秦皇

雨  
五月初九日

十雨已過倍

今年春雨本優入夏後亦頻霑膏澍惟自  
四月十七日得雨後距今已越兩旬較十

雨之期增倍氣候炎蒸未免略覺盼澤本日午刻陰雲  
濃布未申之間暢霈甘霖入土約及四寸頗歆頓解允

為應時  
渥澤

甘霖正及茲麥薺收甫定

現在二麥登場京師及畿輔各屬統計收

成九分有餘可稱上稔大田禾黍正當長發之時  
得此好雨滋培益增茂望歲之懷為之稍慰

禾黍

發塵資瀟灑解人暎深沈拂物滋兩憂消一半凱奏獨  
殷思

啟蹕幸避暑山莊至石槽行宮作

山莊避暑例依前時霽方晴啟蹕旃麥已稔收堆壘壘  
禾全新種發芊芊途經雨後無塵堦宮駐午前有靜綠  
嘉蔭滿庭消暑氣晚涼喜復得新篇

浙江巡撫王德提督蒼保同奏報麥收九分福建  
巡撫汪志伊奏報麥收八分有餘雲南巡撫江  
蘭貴州巡撫馮光熊各奏報麥收九分有餘詩  
以誌慰

巡幸寧當誤幾勅遞來封奏閱無遲浙閩收麥八九報  
浙江巡撫王德提督蒼保同奏浙省雨水調勻春花暢  
茂二麥現屆成熟嘉興紹興二府屬約收九分有餘杭  
州台州金華三府屬約收九分湖州寧波衢州嚴州溫  
州處州六府屬約收八分有餘通省麥收約計九分福  
建巡撫汪志伊奏閩省春麥成熟均已刈穫登場其收  
成九分有餘者閩縣等五縣收成九分者莆田等九縣

收成八分有餘者長樂等十九州縣收成八分者福清等二十一州縣收成七分有餘者羅源等五縣收成七分者漳平一縣合計通省二麥收成八分有餘各等語

雲貴登穀次第披

雲南巡撫江蘭

奏滇省雨暘時若二麥將次登場據各屬開報蒙化等十一廳州縣高下地畝收成均有十分武定等十五州縣低田收成十分高旱收成九分鶴慶等二十四廳州縣高下收成均有九分威遠等十九廳州縣低田收成九分高旱收成八分宣威等十一廳州縣高下收成均八分有餘合計通省麥收九分有餘貴州巡撫馮光熊奏黔省二麥登場所有貴陽等府及各廳州縣收成十分者二十一處收成九分者三十六處收成八分者三處合計通省麥收九分有餘各等語

國本民天敢刻懈早田晚種總廩思

綠疇滿眼憑輿攬瞻望雲行雨即施

現當巡幸避暑山莊蹕路經臨地方

二麥俱已收割大田滋長芄勃彌望盈疇詢之疆吏等  
無稱畿輔及口外各屬膏雨應時並不稍覺望澤惟節  
過夏至氣候炎蒸若早晚得霈陣雨不獨可  
解煩歎於農田亦更為有益未免復縈企望

出古北口作

啓程前已雨霑優麥報豐收禾黍稠古北今欣度內外

夏中景實愜巡遊路無泥濘宜行旅

蹕途連日氣候炎熱出口後漸覺涼

輿茲於夜間復得陣雨侵晨即霽途間既免煩歎又無泥淖於與從適宜允為愜望

民有歡顏樂

給求惟是靖邪尚塵捷

勦捕教匪之事自丙辰春間逮今兩載有餘雖節據帶兵大員

等屢馳捷奏殲斃起事首逆齊王氏姚之富二犯賊勢已就窮蹙惟餘匪尚各處奔竄日久稽誅切望各路軍



營捷音踵至先將陝省逸犯李全高均德擒獲再將川  
楚各首逆王三槐徐添德冉文儔羅其清阮正通劉成  
棟張漢潮等悉數擒獻尅  
日歲功庶慰宵旰懸廑爾逮三年矣自含羞

御製詩餘集卷十八